




06016

說略卷之十七

李法



江寧顧起元太初輯



禮王者審五庫之量一曰車庫二曰兵庫三曰祭器庫四曰樂庫五曰宴器庫商君書曰湯武破桀紂海內無患築五庫以藏五兵至漢乃曰武庫滕王閣序紫電清霜王將軍之武庫蓋言王僧辨之霜戈電戟也五兵者世本曰弓矢矛戈戟周禮注曰矛戟劍盾弓鼓司注司馬法曰弓矢圍矢矛守戈戟攻穀梁曰說略

卷之十七

一

矛戟鉞刀盾弓矢漢書注矛戟劍弓戈又有車之五兵鄭司農云戈受戟酋矛夷矛有卒之五兵無夷矛而有弓矢淮南子則以五兵配五方曰東方矛南方弩中央劍西方戈北方鍛其器互有不同也至於魏相之所謂五兵則義兵應兵忿兵貪兵驕兵後之五兵尚書則所謂中兵外兵騎兵別兵都兵也名雖是而實非矣今之兵器率用鐵而古者以銅爲兵按春秋傳僖十六年鄭伯朝楚楚子賜之金旣而悔之與之盟曰無

以鑄兵故以鑄三鍾杜預曰古者以銅爲兵又按山海經中山西二百里昆吾之山其上多赤銅郭璞傳曰此山出名銅色赤如火煉之作刀切玉如剗泥周穆王時西戎獻之尸子所謂昆吾之劍者也越絕書曰赤堇之山破而出錫若邪之谷涸而出銅歐冶用以爲純鉤之劍近汲冢中得一劍長三尺五寸乃今所名爲干將者亦銅非鐵又按刀劍錄夏少康三年商太甲四年各鑄銅劍一其文曰定光又史記秦始皇二十六年收天下兵聚之咸陽銷以爲鍾鐻金人說略

卷之一七

二

三五九

十二則古之兵器用銅蓋無疑矣  
陶隱居載漢高祖以始皇三十四年於南山得一鐵劍長三尺銘曰赤霄大篆書卽斬蛇劍也及貴常服之光武徵時在南陽鄂山得一劍文曰秀霸魏武帝以建安二十年於幽谷得一劍長三尺六寸上有金字銘曰孟德王以見人主受命之徵按西京雜記云斬蛇劍長七尺晉太康中武庫火飛去又載石勒耕地得一刀銘曰石氏昌篆書然劉曜讀書管涔山有管涔王遣童子奉寶劍事見本載記而隱居不之及

建安二十年武帝王業成矣此劍非所自創卽其下  
僞爲之以相鼓眩也

兵之用各有其始如軍營通鑑曰黃帝以軍師爲營  
衛遂築營壘後遂以兵之所居曰軍營也劍管子曰  
蚩尤作劍刀洞冥記曰黃帝鑄刀二儀實錄曰刀之  
制有四陣之刀自蚩尤與黃帝戰於涿鹿卽有陌刀  
軍陣用之又陣障刀行從障衛則用之又長刀卽  
鹵簿千牛將軍執之又儀刀卽武臣佩之自東晉愈  
多遂以木爲之飾以金銀佩之卽今之衙刀也斧鉞

說略

卷之十七

三

三五四

輿服志曰黃帝置以銅爲鳳首銜刃古今注曰銅斧  
黃鉞也鐵斧玄鉞也三代通用之武王以黃鉞斬紂  
太公以玄鉞斬妲己將軍出征特授黃鉞者亦以銅  
爲之鎗事物紀原曰黃帝與蚩尤戰卽有其制諸葛  
亮置木作槍長二丈五尺以鐵爲頭戟二儀實錄曰  
自夏后氏有之如槍兩歧置刃謂之戟架之謂之啓  
父呂氏春秋曰蚩尤作戈矛戈呂氏春秋曰皆蚩尤  
作弓世本曰揮於作弓宋衷曰黃帝臣也又荀卿子  
曰捶作弓矢世本曰夷牟作矢黃帝臣也又荀卿子

曰浮游作矢又山海經曰少皞生股是始弓矢弩古  
史考曰黃帝作弩鞬鹿箭筒鞬靦二儀實錄曰有虞  
氏之始也三者皆鞬弓袋也又有施弓袋通謂之三  
伏甲世本曰興作甲少康子也又管子曰葛盧之山  
發黃金蚩尤受之制以爲鎧說文曰甲也抹額二儀  
實錄曰禹塗山之夕大風雷震中有甲步卒千餘人  
有金甲鐵甲者其不備甲者以紅絹帕抹其頭額皆  
佩刀以爲侍衛至禹所云海神來朝禹問之對曰此  
抹額乃武士之首服及始皇東巡狩至海濱亦有神

說略

卷之一七

四

三〇〇

朝皆抹緋衫大口袴以爲侍衛自此爲軍容之服也  
楯干也有中干山海經曰羿與鑿齒戰於疇華之野  
鑿齒持楯又二儀實錄曰自夷牟始也謂之傍排步  
卒以八尺牛肋爲排馬軍用朱漆圓排也旂幟列子  
曰黃帝作又黃帝出軍法曰攻伐作五綵牙旗又孫  
權作黃龍大牙在軍中燾二儀實錄曰殷以皂絲爲  
之似蚩尤首五百人置一燻晉侯作六軍六燻天子  
十二燻唐初置二十四燻每歲一祭之至攻守之具  
雲梯墨子曰公輸般造以攻宋城飛梯以大木爲床

枕相去二尺勢微曲通牙相括飛於雲間以窺城中  
其上梯首冠雙轆轤梯城而上也鐵蒺藜鐵菱角隋  
書曰煬帝征遼東置之要路水中刺人馬也漢書曰  
布渠答師古曰鐵蒺藜也其來久矣霹靂車魏書曰  
袁紹與太祖戰起土山射營中太祖乃爲發石車擊  
紹中之時號霹靂車火箭石磨魏書曰諸葛亮圍陳  
倉時將軍郝昭築陳倉城亮以雲梯衝車昭以火箭  
射梯梯然昭又以繩懸石磨壞其衝車木驢雉尾炬  
梁書曰侯景爲安項木驢攻城不能制羊侃作雉尾  
說略

卷之十一

五

三五六

炬施鐵鑊以油灌之擲木驢上俄頃而盡飛樓懸梯  
板屋宋書曰武帝攻慕容超於廣固用之相風古今  
注曰禹作伺鶩卽相竿也又炙轂子曰舟船於檣上  
刻木作鳥喙幡以候四方之風名五兩竿軍行以鶩  
毛爲之亦曰相風鳥烽火黃帝出軍決法曰軍兩散  
敵地形不便望見烽火也

沈括言唐人詩多有言吳鉤吳鉤者刀名也刀彎今  
南唐用之謂之蒼黨刀按吳越春秋闔閭既寶莫耶  
復令國中作鉤曰能爲善鉤者賞之百金吳作鈎者

甚衆而有人貪王之重賞也殺其二子以血釁金遂成二鈎詣宮門求賞王問其故曰吾之作鈎也貪而殺二子釁成二鈎王舉衆鈎以示之何者是也鈎師向鈎而呼二子之名吳鴻扈稽我在於此王不知汝之神也聲絕於口兩鈎皆飛著父之胷王大驚乃賞百金遂服之此吳鈎之所由名以爲彎刀似也

字書曰刁斗以行軍晝炊夜擊今世所見古刁斗柄長四尺五寸其斗僅可容升合如此則恐非炊具擊之則可此物乃王莽時鑄威斗厭勝家所用耳或於

說略

卷之十七

六

三四六

上刻二師將軍字及其他官號尤表其僞大抵刁斗如世所用有柄鈹子宜可炊一人飯卽古之刁斗訛字爲鈹字耳書以鈹爲舊器不言可知也若鏹斗亦如今有柄子而加三足刁鏹皆有柄故皆謂之斗刁無足而鏹有足耳又字書以鏹爲溫器蓋古之鼎烹大鼎則卒難至熱故溫已烹之冷物一二人食則用鏹也

史記霍去病傳殺樓蘭王斬盧胡王誅全甲執渾邪王子及相國都尉首虜八千餘級收休屠祭天金人

徐廣曰全一作金正義曰全甲謂其足不失落也漢書作斬盧侯王銳悍者誅全甲獲醜師古曰全甲謂軍中之甲不喪失也觀書法曰殺曰斬曰誅曰執曰首虜曰收則全甲亦疑是王之下王子之上作金甲固非若作足不失落尤非全甲似當作渾身貫甲之謂盡精兵也

古者以馬駕車秦晉韓原之戰惠公乘小駟昭公元年晉荀吳敗狄於大鹵始毀車崇卒而單騎自此始至六國時則盡然矣蘇秦所謂車千乘騎萬匹是也

說略

卷之十一

七

三四九

鄭玄解周禮大司馬師帥執提鼓云提謂馬上鼓程伊川解易乘馬班如爲人馬異處皆謂單騎如今制非也文王周公之世何嘗有單騎之說或問六韜有騎戰何言古無單騎曰六韜僞文非太公著古亦未有無車而乘馬者易曰舍車而徒杜牧之注孫子曰黃帝險於蚩尤以中夏車徒制夷虜騎士此乃弧矢之利也牧之此言必有所據乃知騎兵出於夷狄至趙武靈王令國中胡服騎射其事始入中國耳

夏作禹刑殷作湯刑周建三典子產相鄭鑄刑書趙



鞅相晉鑄刑鼎著范宣子所爲刑書魏文侯師李悝  
撰次諸國法著囚捕雜律等六篇漢蕭何定律九篇  
叔叔道益律所不及傷章十八篇張湯越宮律二十  
七篇趙禹朝律六篇又漢時決事爲令甲以下三百  
餘篇又司徒鮑昱撰法比都目九百六卷應劭刪令  
律令撰具律本章句尚書舊事廷尉板令決事比例  
司徒都目五曹詔書及春秋折獄凡二百五十篇又  
集議駁三十篇又叔孫宣郭令卿馬融鄭玄俱有章  
句魏文帝命陳羣劉邵等刪約舊科旁采漢律定爲

說略

卷之十七

八

三六六

魏法制新律十八篇州郡令四十五篇尚書令軍中  
令合百八十餘篇司馬文王又命賈充鄭冲荀顗荀  
勛羊祐王業杜友杜元凱裴楷周雄郭頌成公綏柳  
軌榮邵等就漢九篇增十一篇合二十篇六百三十  
條二萬七千六百五十七言大始三年乃上之明法  
掾張襲爲之注齊武帝令刪定郎王植之集注張杜  
舊律合爲一書凡千五百三十條事未施行梁武帝  
令蔡法度損益王植之舊本以爲梁律天監初又令  
王亮等定爲二十篇凡定罪二千五百條又有令三

十卷陳武帝令尚書刪定郎范杲參定律令又令徐陵等知其事制律三十卷科三十卷元魏太武帝神麴中詔崔浩定律令正平初又令胡方回游雅改定律制凡三百七十條文帝太安中增律七十九章孝文太和初又令高閭修改舊文隨例增減凡八百七十七條北齊文宣帝命羣官定魏朝麟趾格武成帝河清三年尚書令趙郡王叡等上齊律十二篇定罪九百四十九條又上新例三十卷後周武帝保定三年司憲大夫拓跋迪奏新律謂之大律凡二十五篇

說略

卷之十七

九

三六六

大凡定法千五百三十七條其年又爲刑書要制宣帝酷忍令撰刑書謂之刑經聖制隋文帝初令高頴等更定新律又勅蘇威牛弘等除新律千餘條定留五百條凡十二卷煬帝大業三年新律成爲十八篇凡五百條詔施行之謂之大業律唐太宗卽位據有司定律五百條分爲十二卷又定令千五百九十條爲三十卷又刪武德貞觀以來勅格三千餘件定留七百條以爲格十八卷高宗永徽初又令長孫無忌等撰定格式遂分格爲兩部曹司常務爲留司格天

下所共者爲散頒格四年有司撰律疏三十卷則天纂位韋方質王守慎定垂拱格式景雲初又刪定格式太極元年二月奏上名太極格玄宗開元有開元律開元後格至二十五年又刪緝總成律十二卷疏三十卷令三十卷式二十卷開元初格十卷又格式律令事類四十卷周世宗命張湜等訓釋刪定刑統宋建隆初判大理寺竇儀等上編敕四卷刑統三十卷並頒天下其後增敕浸多太平興國中至十五卷咸平中增至萬八千五十有五條詔給事中柴成務

說略

卷之一七

十

三六六

等芟定可爲敕者二百八十有六條準律分十二門總十一卷又儀制令一卷大中祥符間又增三十卷千三百七十四條又有農田敕五卷仁宗天聖中詔中外言敕得失命官修定取咸平儀制令又制度約束之在敕者悉附令後號附令敕嘉祐中因樞密使韓琦言又復修定如天聖故事書成總千八百三十四條又別爲續附令三十卷神宗以律不足以周事情凡律所不載者一斷以敕乃更其自者敕令格式熙寧初置局修敕元豐中始成書二十有六卷元祐

初詔劉摯刪定敕令徽宗又復燬之紹興中令左右  
司敕令所刊定省記之文頒之乾道中以紹興以來  
所降指揮令有司詳定可否六年刑部侍郎汪大猷  
上其書號乾道敕令格式淳熙初臣僚言乾道新書  
尚多牴牾詔戶部尚書蔡洸詳定之凡刪改九百餘  
條號淳熙敕令格式帝又令敕令所分門編類爲一  
書曰淳熙條法事類淳熙末又令刑部詳定迄光宗  
之世未成至慶元四年右丞相京鏜始上其書爲百

二十卷號慶元敕令格式理宗淳祐十一年又取慶

說略

卷之十一

十一

三六六

元法與淳祐二年所上新書刪潤共爲四百三十卷  
古之吏師定律者虞則士師臯陶周則太傅周公旦  
朝鮮侯箕子太保召公奭大司寇呂侯春秋齊則管  
仲晉則相范匄大夫趙鞅鄭則相公孫僑大夫鄧析  
戰國韓則公子韓非相申不害大夫慎到魏則師李  
悝楚則大夫屈平秦則商君公孫鞅丞相李斯郎中  
令趙高西漢則相國蕭何太傅叔孫通丞相張倉涿  
郡太守鄭昌御史大夫晁錯中大夫董仲舒御史大  
夫張湯侍御史趙禹中大夫主父偃丞相翟方進御

史馮敬丞相王嘉東漢則尚書陳寵司徒魯恭廷尉  
郭躬太中大夫梁統南郡太守馬融大司農鄭玄郎  
中令郎顛泰山太守應劭侍中荀彧尚書令陳忠司  
徒鮑昱尚書宋登北海太守孔融魏則司空陳羣太  
傅鍾繇常侍劉邵蜀則丞相諸葛亮尚書令法正昭  
文將軍伊籍尚書劉巴偏將軍李嚴晉則太傅賈充  
太傅羊祜尚書令荀勗太傅鄭冲當陽侯杜預明法  
掾張襲中護軍王業尚書郎柳軌司空荀顛廷尉杜  
友騎尉成公綏定科郎裴楷宋則散騎常侍謝莊右

訖略

卷之一七

二

三六六

僕射劉秀之中書監王弘齊則竟陵王蕭子良刪定  
郎王植之廷尉孔稚圭梁則黃門侍郎王亮廷尉卿  
蔡法度陳則右僕射徐陵刪定郎范杲廷尉沈欽元  
魏則長史燕鳳郎中令許謙三公郎王德司徒崔浩  
中書監高允尚書李冲尚書令高肇常侍高巒北齊  
則尚書令高叡後周則尚書蘇綽廷尉卿趙肅司憲  
大夫拓跋迪隋則左僕射高頰上柱國鄭譯越國公  
揚素率更令裴政納言蘇威太尉於翼尚書牛弘旅  
騎尉劉炫唐則太尉長孫無忌司空房玄齡右僕射

裴寂左丞崔善爲納言劉文靜左庶子于志寧侍中  
王珪主符郎宋公弼法曹裴弘獻尚書裴居道御史  
郎餘慶侍中韋安石吏部侍郎岑義丞相盧懷慎丞  
相宋璟丞相李林甫京兆尹許孟容留守狄兼謩大  
理卿張鄴侍郎劉琬五代晉則丞相李崧諫議薛融  
後周則丞相范湜御史張湜宋則尚書竇儀張昭中  
丞蘇正堯大理卿張希讓大理正奚與法直官陳光  
義馮叔向翰林學士宋白刑部侍郎許讓給事中柴  
承務學士蘇易簡律學博士傅霖丞相韓琦參知政  
說略

卷之十一

十三

三

事張方平右僕射蘇頌參政蔡齊丞相夏竦丞相劉  
摯三司使程琳尚書孫奭詳刑官賈士寧翰林馮元  
右贊善楊安國著作郎趙希言著作郎王珪司諫孫  
覺尚書宋祁丞相曾公亮中丞王覲刑部郎中杜絃  
贛縣丞施述丞相呂頤浩丞相虞允文樞密蕭燧尚  
書韓邈刪定官李澄起居郎曾炎尚書單夔又貫冶  
子范遂良姑蘇子劉藎

黃帝刑一曰鞭朴二曰鑽鑿

鑽腹刑去膝蓋骨也鑿鑿  
黥刑也以墨涅其面

三曰刀鋸

刀割鼻也鋸  
刑刑斷足也

四曰斧鉞

斬刑軍  
戮也

五曰甲兵

鼻亂也  
以六師誅  
周刑一曰墨黥也割其面二曰劓截其鼻三

曰刑卽刑也四曰宮淫刑也男子割其勢女人則幽閉五曰大辟死罪也

等有七一曰斬誅之斧鉞二曰殺以刀刃棄市三曰搏去衣際之也四曰焚燒殺之也五曰辜磔之也六

曰踣斃之於市肆也漢刑一曰笞箠也文帝以代肉

七曰鑿縊之於隱處至二二曰髡謂罪不至髡完其髡鬢止三曰完謂不以

肉刑而髡鬢為城旦春四歲刑也四曰髡孝文定律當黥者髡鉗為城旦春五曰死

有三等一曰棄市謂當斬右趾及殺人者二曰磔謂戮而張屍於市也三曰三族謂誅及三族也魏

刑一曰贖有十二曰罰金有六三曰雜抵辜有七四

曰作居役也五曰完有三六曰髡有四七曰死有三

說略  
卷之十七  
十四  
五五六

晉刑一曰輸贖用金絹贖罪也二曰髡作三曰棄市四曰斬

五曰梟首梁刑一曰贖二曰笞三曰髡四曰髡鉗五

曰死北齊刑一曰杖三等自一十至三十二曰鞭槌馬杖也有

至一三曰髡五等自一歲至五歲四曰流鞭之百投之邊裔重

六年之刑五曰死重者輓之輕者梟首後周刑一曰杖自一十二曰

鞭自六十三曰徒自一年四曰流自二千五百里五

曰死五等為髻絞隋唐宋金刑一曰笞漢用竹今用

五二曰杖古用鞭今用杖三曰徒隋三等自一年至

二年半改為五等今增四曰流隋制三等自一千里

四年五年通為七等

千里至三千 五曰死 隋唐宋同二等一曰絞二曰斬今加凌遲共三等

古之用刑其名可紀者殺 神農氏殺黃帝擒 殛 蚩尤 梟 豎

虫尤之 刑也 丹 剔人肉置其骨也安祿山 支解 漢紀注截其四肢也

醢 商紂醢烹齊哀公 誅 堯誅三苗 族誅 商紂有誅九族之條 門誅 後魏

書 赤族 漢書赤蓋也 誅夷 周刑也誅者罪連一宗夷者殺及九族 車裂 商鞅

秦人殺而 分屍 同支解漢分項王屍 炮烙 商紂造 抽脇鑿項 皆商鞅法

也 梟 斬首懸木上漢梟彭越之首 腰斬 秦腰斬李斯 棄市 刑人於車棄之於市也

偶 漢賈誼曰棄市之法也 肆 殺而陳其屍也見論語 斫 張飛欲斫嚴顏頭 炙 晉大將軍

穎炙殺長 撲秦法以囊盛之 脯 紂脯鄂侯 鋸 以木解人李吉沙王又 撲 人而撲殺之

說略 卷之十七 十五 五六九

擣 梁侯所為犯法者擣殺之 劓 誅於劓角不露天 橫分 漢書注離也 剄

漢注以 格祭遵格殺舍中兒 拉 宋武帝拉殺諸葛長民 天 鑿其額命曰

刀自裁 觸也 抵死 漢注抵觸也 沈命 應劭曰沈沒也 斧質 項籍傳身俟斧質師古曰質雖也

人加于 鋸上 殊死 漢律斬刑也 鉗灼 江充傳燒鐵鉗灼強其服罪 剝皮

後晉紀注 刻割也 痍死 漢注囚以饑寒死者曰痍 纍 揚雄傳諸不以罪死者曰纍 腐官

也 三族 謂父母妻 髡鉗 去犯人髮以鐵束項也 鬼薪 漢令役人取薪給宗廟三歲刑

適運 梁徒役也男子 配役 宋文省流刑 白粲 漢令役

案三歲 適運女子質作 配役 令帶錄居作 白粲 漢令役人坐擇

刑也 城旦春 漢法旦者男子旦起行治城春者婦人春作也

夏之獄曰夏臺 一曰均臺 見風俗通 一曰念室 見張



華博物志商之獄曰羑里見通鑑外紀一曰動止周  
之獄曰囹圄又曰稽留以上并見博物志一曰圜土  
見周禮齊刑人之居曰因諸見公羊傳漢曰請室見  
賈誼傳曰居室見灌夫傳曰蠶室見司馬遷傳晉曰  
黃沙太康中置又狴犴獄名也朝廷之獄曰獄鄉亭  
之獄曰犴又叢棘見易卦又圜扉獄門也見白帖又  
隱室秦置也見吏學指南又深室囚室也見左傳又  
神霧杓爲天獄見詩注句圜十五星曰賤人之牢貫  
索天牢並見天文志又虎穴漢尹賞修治長安獄爲

說略

卷之十七

一六

三五九

此名又若盧東漢獄名見後漢書

刑具曰桎梏者木在手曰桎在足曰梏黃帝所置也

見吏學指南曰羣者音扶兩手向一械曰羣見刑統

注曰鉗鈇者鉗其炎切鈇音第漢陳咸傳私解脫鉗

鈇師古曰鉗在頸鈇在足皆以鐵爲之曰縲紲者縲

係也縲長繩也見師古注曰徽纆者三股又曰徽二

股又曰纆見易經歐刀刑人之刀也見虞詡傳曰夏

楚者刑人杖也見禮記曰桁楊者枷夾其頸也見莊

子曰銀鑿者鐵瑣也見漢雋曰孟青者唐侯思止謂

決囚大杖也見唐語林曰檻車者載囚之車也又曰  
篋輿以板四周無所通見也見漢書曰露車者陳制  
死罪將決乘露車著三械加拳手見刑法志曰三木  
者頭手足枷繫也三木囊頭又關三木見漢書又貫  
五木見柳子厚斷刑論曰五毒者謂械拴杖繩瑣也  
陸績坐獄身被五毒見漢書曰扭者卽梏也象轉手  
貌宋金定置曰鐐者加於足以限囚步者也遼有瑣  
無鐐金章宗定鐐連鑲重二斤曰拶指腿夾者拷囚  
具宋嶺南用之今仍存並見吏學指南

說略

卷之十七

十七

三六二

舜典曰象以典刑臯陶曰方施象刑惟明是唐虞固  
有象刑矣而去古既遠說者不一荀況記時人之語  
曰象刑墨黥慙嬰共艾畢菲對屨殺赭衣而不純也  
漢文帝詔除肉刑曰有虞氏畫衣冠畢章服以爲戮  
而民不犯今法有肉刑三而姦不止武帝之策賢良  
也亦然白虎通曰畫象者其衣服象五刑也犯墨者  
蒙巾犯劓者以赭著其衣犯髡者以墨蒙其髡象而  
劃之犯官者荆犯大辟者布衣無領凡此數說者雖  
不能歸於一要其大致皆謂別異衣服以媿辱之而

不至於用刑此遠古而譎傳也禹之稱舜曰與其殺不辜寧失不經特不殺不辜爾未嘗去殺也怙終賊刑刑故無小是豈嘗置刑不用哉

易之豐曰雷電皆至豐君子以折獄致刑程子曰必威於姦惡惟斷乃成也宋熙寧庚戌策進士曰聖王之御天下也其治足以致刑蘇軾擬對曰古之求治者將以錯刑今陛下求治則致刑此羣臣誤陛下也致之言極也說文致字除送詣也至極也趣到也與也之外古文出處與刑切者惟前漢書景紀詔諸獄說略

卷之十七

一八

三三五

疑者雖文致於法嚴延年傳文致不可得反師古曰致至密言其文案整齊也後漢書陳寵傳除文致之請謂人無罪文飾於法中

今人稱法令曰令甲以漢宣帝詔令甲死者不可生然是法令首卷耳江充傳註令乙騎乘行馳道中章帝詔曰令丙箠長有數見鼠璞甚明然則令乙者第二卷也令丙者第三卷也漢律當有十卷史稱令甲以下三百餘篇

赤族言盡殺無遺類也漢書注以爲流血丹其族者

大謬古人謂空盡無物曰赤如赤地千里南史稱其  
家赤貧是也秦法有參夷三族之條元魏有門誅之  
律皆盡其族而誅之也其後有九族十族之極而刑  
極無復可加矣

漢楚元王傳衣之赭衣使杵臼雅春於市晉灼曰高  
肱舉杵正身而春之師古曰爲木杵而手春卽今步  
臼耳非碓春也宋祁曰雅謂春而雅歌以相春也夫  
春者之歌出於自然惡可強之使雅歌以爲辱邪此  
又不通之論蓋雅樂器也樂記訊疾以雅注雅狀如  
說略

卷之十七

一九

三五七

漆笏中有椎周禮笙師注如漆笏而弁口大二圍長  
五尺六寸以羊韋鞞之有兩組疏畫是言舂米之桶  
有似於雅之漆笏故名雅舂也

漢世馭臣之法嚴卽諸侯王丹書鐵券有山河之誓  
而有鼻無幸免者姑就表中所載紀之王子侯如楊  
丘侯偃坐出國耐爲司寇沈猶侯受坐爲宗正聽請  
不具宗室耐爲司寇

師古曰人有私請求者受聽許  
之故于宗室之中事有不具而

獲罪

胡孰侯聖坐知人脫亡名數以爲保免葛魁侯

戚坐縛冢吏恐獨受財棄市東莞侯吉坐痼病不任

朝免卑梁侯嬰坐首匿罪人爲鬼薪旁侯殷坐貸子  
錢不占租取息過律免平城侯禮坐恐獨取雞以令  
買償免陸元侯延壽坐知女妹夫亡命笞二百首匿  
罪免江陽侯仁坐役使附落免修故侯福坐首匿羣  
盜棄市承鄉侯節坐恐獨國人受財臧五百以上免  
籍陽侯顯坐恐獨國民取財物免陵鄉侯訢坐使人  
傷家丞又貸穀息過律免樂平侯訢坐病狂易免功  
臣侯如信武侯亭坐事國人過律免事謂役使之也鄼侯蕭

勝坐不齋耐爲隸臣汾陰侯周意坐行髡爲城旦

說略

卷之十七

二

三七

蓼侯孔臧坐爲太常衣冠道橋壞不得度免曲城侯  
蟲皇柔坐爲汝南太守知民不用赤玄錢爲賦爲鬼  
薪河陽侯陳信坐不償人責過六月免高宛侯丙信  
坐出入屬車間免鄼音多侯周仲居坐爲太常收赤側

錢不收完爲城旦赤泉侯楊毋害作詐給人臧六百  
免朝陽侯華當坐教人上書枉法祗爲鬼薪宋子侯  
許九坐寄使匈奴買塞外禁物免慎陽侯樂買之坐  
鑄白金棄市陽平侯杜相夫坐爲太常與大樂令中  
可當鄭舞人擅絲役使也闡出入關免廣阿侯任越人

坐爲太常廟酒酸免土軍侯宣生坐與人妻姦免江

鄒侯斬石坐爲太常行幸離宮道橋苦惡免衍侯翟

不疑坐挾詔書論耐爲司寇不奉持而挾以行也卽侯黃遂坐

揄搏博也奪公主馬髡爲城旦樂平侯衛侈坐買田宅

不法有請賊吏免山都侯王當坐闌入甘泉上林免

樊侯蔡辟方坐搏揄完爲城旦南鄭侯起坐後父故

削爵一級會于廷中而隨父失朝廷以爵之序也黎侯召延坐不出馬

要斬襄城侯韓釋之坐詐疾不從耐爲隸臣清安侯

申屠史坐爲九江太守受故官送俞侯栞賁坐爲太

說略

卷之十七

二五

三九九

常雍犧牲不如令免商陵侯趙周坐爲丞相知列侯

耐金輕下獄自殺山陽侯張當居坐爲太常擇博士

弟子故不以實完爲城旦翁侯邯鄲坐行來不請謂也

長信免衆利侯郝賢坐爲上谷太守入戈卒財物計

謾免宜冠侯高不識坐擊匈奴增首不以實當斬贖

罪免下摩侯譁毒尼坐將家屬闌入惡師居免梁期

侯任當千坐賣馬一匹價錢十五萬過平臧五百已

上免新時侯趙弟坐爲太常鞠獄不實贖死完爲城

旦蒲侯蘇夷吾坐婢自贖爲民後略以爲婢免商利

侯王山壽坐爲代郡太守故劾十人罪不直免博成  
侯張建坐尚陽邑公主與婢姦主旁數醉罵主免武  
安侯田恬坐衣襜褕入宮免周陽侯田祖坐當歸軹  
侯宅不與免至其它以耐金失爵者又不可勝數也  
陳武帝九錫文妖酋震懼遽請灰釘李商隱露布飛  
走之期旣絕灰釘之望斯窮宋人引杜篤賦燔康居  
灰珍奇椎鳴鏑釘鹿蠡楊用修引何子元餘冬序論  
證其非謂曹爽在獄中乞棺與灰於司馬懿其事本  
不僻云云按王凌旣降未測懿意故乞棺釘與之凌

說略

卷之十七

二十五

三四

乃仰藥死曹爽幽處第中糧盡告急於懿懿給米肉  
糗備且以書慰之爽大喜過望未幾獄具夷三族然  
則灰釘事乃王凌非曹爽也  
唐肺石常存其制如佛寺所擊響石而甚大長八九  
尺形如人肺亦有款志但漫剝不可讀按秋官大司  
寇以肺石達寃民求其義乃伸寃者擊之立其下然  
後士聽辭如今之槌登聞鼓也所以肺形者便於垂  
又肺主聲聲所以達其寃也

胡邦衡乞斬秦檜疏云區區之心願斷三人頭竿之

藁街然後拘留虜使責以無禮按三輔黃圖云藁街在長安城南門內舊有蠻夷邸若今之鴻臚館然邦衡時以虜使在邸故請斷檜首懸之彼所於以伐其狡謀而絕其和因引藁街爲言然則藁街非尋常梟首之市也

元世祖笞杖之刑既定曰天饒他一下地饒他一下我饒他一下自是合笞五十止笞四十七合杖一百止杖九十七我朝洪武初以大誥頒示天下令官民人等有此一本者若犯笞杖徒流罪名每減一等無此者每加一等今之斷獄者不知其原凡案牘皆曰大誥減一等失其旨矣



說略卷之十八

江寧顧起元太初輯

冥契上

老子一名李耳字伯陽二名雅字伯宗三名忠字伯光四名石字孟公五名重字子文六名定字元陽七名元字伯始八名顯字元生九名德字伯文老子身九變有七十二相八十一好七十二相者頭圓爲天伏晨蟠起玉枕穹窿皓髮如鶴長七尺餘眉有北斗其色翠綠其間紫毛長五寸餘虎髭龍髯素潔如絲

說略

卷之十八

一

耳無輪郭中有三漏高平於頂厚而且堅兩目日光方瞳綠筋鼻有雙柱形如截筒口方如海脣赤如丹氣有紫色其香如蘭齒如編貝其堅如銀數有六八上下均平舌長且廣形如錦文玉泉充溢其味甘香每發妙言聲如金玉顙高而起頤方若矩日角月圓金容玉姿龍顏肅肅鳳視閒閒額有兌象參午上達天庭平坦金匱充盈腹有白痣頤有玉丸項有三約鶴素昂昂垂臂過膝手握十文其指纖長爪有玉甲身有綠毛胸有偃骨背具河魁臍深寸餘腹軟如綿

心有錢文腹有赤痣眼有輪文足蹈二卍指有乾坤  
身長丈二徧體芳香面方而澤上下三停身如金剛  
貌若琉璃行如虎步動若龍趨此其相也左扶青龍  
右據白虎前導朱雀後從玄武頭蔭紫文足履蓮花  
項負兩景五明矐目身有圓象洞照九天兼前仙相  
光色奇妍總八十一謂之好也見法輪經及老子史  
略

武夷山志有魏王頭顱骨大如斗按真仙通鑑云昔  
有魏王名子騫在同州立王城對大王石東去十里

說略

卷之十八

二

今城址尚在又云有張湛孫綽白石先生男女十二  
人詣此山求道謁魏王爲地主時天旱魏王置酒脯  
祭仙祈雨有仙人乘雲鶴而下張湛獻詩一絕云武  
夷山下武夷君云云仙人甚喜乃授以道要許居此  
山至八百年後方換骨歸天至期果爾脫化其骨藏  
長棺於小藏巖凡十三具按春秋以前諸侯無封魏  
王者戰國時魏王又不南徙且其時無七言絕詞旨  
凡鄙其爲附會無疑也

郭璞詩所謂右拍洪崖肩及洪崖領下頤者姓張或

云黃帝之臣伶倫也又云神農氏師堯時已三千歲漢武帝時衛度世入華山尋其父叔卿叔卿與數人博問爲誰則洪崖巢父許由之類是也真誥云洪崖先生今爲洞真在青城山其隱跡在豫章西山洪井在伏龍山北崖左右相傳爲煉丹處若宋人畫所謂長七尺五寸戴烏帽衣紅蕉葛衫烏犀帶短拗鞞筇竹杖跨白騾從者五曰橘栗朮葛抽負六角扇垂雲笠方木鐙二玄書木如意長生瓢魏惠壺木柱杓者張蘊也自稱洪崖先生或云卽其後身蓋詩畫二家之所稱實有兩洪崖不相蒙也

說略

卷之一人

三

禹爲柴庭真人夏啓爲東明公文王爲西明公召公爲南明公季札爲北明公周公爲北帝師孔子爲太極上真公治九嶷山一云廣桑山真官顏回爲明晨侍郎後爲三天司直一云與卜商爲修門郎吳季子爲修文郎莊周爲太玄博士一云爲闡編郎墨翟爲太極仙卿屈原爲海伯統八海鬼谷子爲太玄師治青城山張良爲門下侍郎淮南王守天廁東方朔爲華陽洞主賈誼爲西明都禁郎謫太山司馬張衡楊

子雲爲北方鬼帝治羅鄴山巖君平尚在峨眉山臧  
洪爲北天門亭長荀或爲北明公賓友孔融爲後中  
衛大將軍王弼爲丘監郭景純爲都錄司命治雲臺  
山周顛爲鬼官司命郝鑒爲南門亭長田錄紀瞻爲  
天北修門郎與虞譚更直守天門顧和爲執蓋郎溫  
太真爲監海伯杜預爲長史龐德爰愉李廣解結王  
嘉徐庶何晏殷浩俱侍帝宸庾亮爲北太常前中衛  
大將軍陶侃爲西河侯蔡謨爲長史謝幼輿爲左副  
監曹植爲遮須國王劉聰亦爲遮須國王蔡邕爲修

說略

卷之十八

四

文郎劉禎王粲徐幹俱爲侍中王茂弘爲尚書令葛  
洪爲太極左仙公陶隱居爲蓬萊都水大監一云蓬  
萊仙監魏鄭公爲太陽都錄大監李長吉召賦玉樓  
記杜佑馬總爲六押大都統司馬承禎爲東華青童  
道君李太白爲東華真人唐明皇爲孔昇真人白居易  
易爲海山院主韓退之爲真官杜子美生前爲文星  
典吏其物也又與李青蓮輩優游江湖稱散仙顏魯  
公爲北極驅邪院左判官韓魏公爲紫府真人石曼  
卿爲芙蓉城主丁度爲芙蓉館主王平甫爲靈芝館

仙官蘇子瞻爲奎宿一云紫府押衙劉景文爲雷部  
掌事呂誨侍上帝游炎洲爲司糾許收爲北斗君陳  
康伯爲北斗主簿歐陽仲純爲長白山主龐丞相籍  
爲王屋山道君劉丞相沆爲九江真人又與呂夷簡  
李迪龐籍富弼俱處五相清燕之堂寇萊公爲閬浮  
提王田畫爲淮陽土神蔡忠惠亦爲閬浮提王沈文  
通爲地下曹司

真誥云仙官上下次秩有左右府左右公左右卿左  
右大夫左右御史明大洞真經者爲仙卿服金丹者  
爲大夫服衆芝爲御史若得太極隱芝服之便爲仙  
公真人矣

說略

卷之一

五

雜俎所載仙藥有鍾山白膠閬風石腦黑河蔡瑚太  
微紫麻太極井泉夜津日草青津碧荻圓丘紫柰白  
水靈蛤八天赤薤高丘餘糧滄浪青錢三十六芝龍  
胎醴九鼎魚火棗交梨鳳林鳴醅中央紫蜜崩岳電  
柳玄都綺葱夜牛伏骨神吾黃藻炎山夜日玄霜絳  
雪環剛樹子赤樹白子回水玉精白琅霜紫醬月醴  
虹丹鴻丹又載藥草異號丹山魂雄黃也青腰女空

青也靈華汎腴薰陸香也北帝玄珠消石也東華童子青木香也五精金陽起石也流丹白膏胡粉也倒行神骨戎鹽也亭炆獨生雞舌香也白虎脫齒金牙石也靈黄石流黃也陸虛遺生龍骨也章陽羽玄白附子也綠伏石母慈石也絳晨伏胎茯苓也七白靈蔬薤白華也一名守宅一名家芝伏龍李蘇牙樹此成式所記也按漢武內傳又載王母有風實雲子碧海琅菜扶桑丹榘長河文藻太真紅芝九色鳳腦班龍黑胎蒙山白鳳之腴靈丘蒼鸞之血雞跖集載武

說略

卷之十八

六

夷君食河祇脯神仙傳載謝玄卿逢仙設鳳冠粟龍睛稻素麟脂班螭髓雲仙雜記載始皇遣徐福求金菜玉蔬藝文類聚載劉孝標啓有松子玉漿衛卿雲液孝經援神契載仙藥之上者丹砂黃金白金次諸芝五雲明珠太乙禹餘糧石中黃子石桂英石流丹石糝曾青松柏脂茯苓地黃麥門冬巨勝重樓黃連石掌杼石家紫西京雜記載馬肝石穆天子傳載金膏水碧抱朴子載玉脂芝七明芝九光芝五德芝石桂芝肉芝青雲芝黃龍芝金蘭芝紫朱芝月芝山芝

火芝人芝月精芝黑芝金芝萬年芝夜光芝白雲芝  
雲母芝華芝鬼芝洞冥記載烏哀國龍爪薤鈞影山  
寒荷嶂嶸山細棗玄都雞菱茅君內傳載句曲五芝  
一龍仙芝二參成芝三燕胎芝四夜光洞鼻芝五料  
玉芝

仙道姓名有可考者元始天尊姓樂名靜信見度人  
經玉門子姓王名剛九靈子姓皇名化北極子姓陰  
名恒絕洞子姓李名修太陽子姓離名明太陽女姓  
朱名翼太陰女姓盧名全太玄女姓顓名和南極子

說略

卷之十一

二

姓柳名融黃盧子姓葛名起馬名生姓和名君賢劉  
根字君安尹軌字公度介象字元則見葛翁神仙傳  
河伯姓馮名夷字公子見聖賢塚墓記秦宗新祠頌  
又姓呂名公子夫人姓馮名夷見龍魚河圖太真夫  
人姓王名婉羅見真仙通鑑介子推姓王名光鬼谷  
子姓王名誦見神仙傳毛女字玉姜見神仙傳醫王  
子姓古名老師見本草序浮丘公姓李見列仙傳壺  
公姓施名存孔子弟子見真誥又姓謝名玄見丹臺  
錄武當戴將軍姓燕名濟洪崖先生姓張後洪崖先

生亦姓張名蘊俱見真仙通鑑太乙君諱騰東王公  
名倪字君明西王母姓楊名回一名婉姁天翁姓張  
名堅字刺濁見酉陽雜俎

真誥云白誌見腹名在瓊簡目有綠筋名在赤書陰  
有伏骨名在琳札青書胃有偃骨名在星書眼有四  
規名在方諸者掌理迴菌名在綠籍者皆上仙也可  
不學其道自主鼻有玄山腹有玄丘亦仙相也或口  
氣不潔性耐穢則壞玄丘之相矣酉陽雜俎玉格又  
云八十一戒千二百善入洞天二百三十戒二千姜  
說略

卷之十一

八

登山上靈官萬善升玉清真誥又云積功滿千雖有  
過得仙功滿三百而過不足相補者子仙功滿二百  
者孫仙子無功德有過使得仙其孫若無志多過者  
只得富貴仙不可冀也

黃帝火九鼎于荆而尚葬橋陵趙成子死後五六年  
肉朽骨在液血於內紫色發外鹿皮翁吞玉華而流  
蟲出戶西王城漱龍胎而死訣飲瓊精而扣棺仇季  
子咽金液而晁徹百里季主服霜散以潛升而頭足  
異處墨狄咽虹丹而投水甯生服石腦而赴火務光



翦薙以入水柏成納氣而腸胃三腐衍門子高丘子  
洪厓先生吞琅玕之華而更營丘墓

王方平謂蔡經曰汝應得度世但氣少肉多唯可尸  
解耳此法須更如過狗竇中耳尸解有數端足不青  
皮不皺目光不毀頭髮不脫不失其形骨者皆尸解  
也有未斂而失尸者有人形猶在而無復骨者有衣  
在形去者有髮脫而形去者白日去謂之上尸解夜  
半去謂之下尸解向曉暮之際謂之地下主者地下  
主者有三等第一散在外舍閑亭不受九宮考制不  
說略

卷之十八

九

聞練化之業一百四十年乃得一進耳二等使得仙  
階三等便得出入易遷童初二宮入宴東華臺受學  
化形濯景易氣三十年棺中骨還附神四十年復如  
生人五十年位補仙階爲上仙矣

山有藏道經者抱朴子云道書之重者莫過於三皇  
內文五嶽真形圖名山五嶽皆有三藏於石室太上  
真人靈寶秘文內符鍾山真人授禹禹更撰定爲二  
通一藏苗山一付雲水洞室玉帝七聖玄紀云舊文  
十五萬藏崑崙北洞大洞篇目云鬱儀結鄰藏王屋

中清虛洞飛龍隱訣云飛玄羽經藏峨眉山金太微  
黃書經云天眞三皇藏八會之文於委羽山太微天  
帝藏一通於龜山

雜俎載仙家符圖曰雌一玉檢曰四規明鏡曰五柱  
中經飛龜帙曰飛黃子經曰鹿盧躡經曰含景圖曰  
臥引圖曰園芝圖曰木芝圖曰大隗新芝圖曰牽牛  
經曰玉珍記曰臘成記曰玉案記曰丹臺記曰日月  
厨食經曰金樓經曰三十六水經曰中黃丈人經曰  
協龍子鹿臺經曰玉胎經曰官氏經曰鳳綱經六陰  
說略

卷之十八

十

曰玉女經曰白虎七變經曰九仙經曰十上化經曰  
攝提經曰三綱六紀經曰白子變化經曰隱首經曰  
入軍經曰泉樞經曰赤甲經曰金剛八疊經

漢武內傳王母設膳於漢武乃命玉子登彈八音之  
漱董雙成吹雲酥之笙石公子擊昆庭之鍾許飛瓊  
鼓震靈之簧阮靈華拊五雲之石范成君擊洞陰之  
磬段安香作九天之鈞武夷山古記秦始皇二年八  
月十五日武夷君魏子騫會鄉人於幔亭命張安陵  
打引鼓趙元奇拍副鼓劉小禽坎鈴鼓曾少重擺鼗鼓

鼓喬知滿振曹鼓高子春持短鼓鮑公希吹橫笛何  
鳳兒拊節板東幄奏賓雲左仙之曲次命董嬌娘彈

坎篴謝英妃撫長琴呂荷香曼圓腹

卽琵琶

黃次姑噪

悲慄

卽篴

秀淡鳴洞簫宋小娥運居巢

笙羅妙容

揮鉞鈔銅西幄奏賓雲右仙之曲行酒進食乃令彭

令昭唱人間可哀之曲高仙盼游洞靈見上清元君

龜山君二真乃命持文王延賢于廣運等彈雲林琅

玕之璈安德音范四珠擊昆明之筑左抱容韓賢賓

吹鳳鸞之簫趙運子李慶王拊流金之石辛白鶴鄭

說略

卷之十八

二

辟方燕婉來回雙連等四人合歌南岳魏夫人得道

日太極真人命北寒玉女宋聯涓彈九氣之璈青童

命東華玉女烟景姝擊西盈之鍾陽洛神王命雲林

玉女賈屈庭吹鳳唳之簫清虛真人命飛玄玉女鮮

於虛金拊九合玉節太極真人發排空之歌青童吟

太霞之曲神王諷晨啓之章清虛咏駕歛之詞

尹喜生時室中陸地生蓮華結草爲樓精思聖道黃

阮丘耳長七寸口中無齒玄俗日中無影白石生煮

石爲糧問之何不霞舉笑曰天上多有至尊相奉事

更苦於人間耳董謁性好異書見輒題掌還家以片  
籀寫之舌黑掌爛人謂謁掌錄而舌學負圖先生餌  
菊朮經旬不語人問何以答曰世間無可食亦無可  
語者孟岐云周公以玉笏遺岐岐常寶執每以衣袂  
拂拭笏笏今銳欲折矣黃安坐一神龜廣二尺人問  
子坐此龜幾年矣曰昔伏羲始造網罟獲此龜以授  
吾吾坐龜背已平矣此蟲畏日月之光二千歲一出  
頭吾坐此龜已見五出頭矣涉正閉目二十年弟子  
固請之正乃開目有聲如霹靂而閃光若電已復還

說略

卷之一

十一

閉孫博能於水面布席作樂使人舞于上不沒不濡  
引鏡爲刀屈刀成鏡積時不改班孟坐空虛中與人  
語又能入地初沒足至腰及胸漸漸但餘冠幘良久  
盡沒又吸人屋上瓦瓦飛入簷楣紛如落葉王興在  
秋長山山頂有瓊花木徑八九尺葉如白檀花如芙  
蓉香聞數里與常見之安期生以醉墨洒石上皆成  
桃花章玉子與弟子行各丸泥爲馬乘之一日行千  
里朱仲漢高后下書募三寸珠仲賚珠詣闕魯元公  
主從仲求珠仲獻四寸珠景帝時復來獻三寸珠數

千顆黃翁謂東方朔曰吾三千年一反骨洗髓二千  
歲一刻骨伐毛自吾生已三洗髓五伐毛矣巨靈女  
子愛於武帝帝有青珉唾壺巨靈常出入其中薊子  
訓與一老公摩挲銅人曰適見鑄此已近五百歲矣  
園客與妻收蠶蠶大如甕纒一罽六十日始盡鮑靚  
與葛稚川善每來門無車馬獨雙燕往還元藏機嘗  
航海飄至滄洲洲上產分蒂爪長二尺碧棗丹粟大  
如梨池中有四足魚葛玄遇親朋輒邀止折草刺樹  
以杯盛之汁流如泉杯滿卽止飲之皆旨酒爲客行  
說略

卷之十八

十三

酒杯自至前不盡杯不去司馬承禎善金剪刀書腦  
中有小兒誦經聲玲玲如振玉額上小日如錢耀射  
一席九嶷山女仙羅郁簡文時降羊權家贈權詩及  
火浣布及金玉條脫各一枚

諸有謂佛法入中國不始於後漢明帝者以列子有  
西方聖人薛正已有仲尼師老聃師竺乾之論又漢  
武故事武帝得休屠王祭天金人又穿昆明池底黑  
灰東方朔曰可問西域道人知是劫灰又魏略西戎  
傳漢哀元壽元年博士景慮受大月氏王使伊存口

傳浮屠經又劉向列仙傳序云得仙者百四十六人其七十四人已存佛經以此爲佛法入中國不始於明帝宣律師傳有一天人姓陸名玄暢來謁律師云弟子是周穆王時生在初天本是迦葉佛時天爲通化故周時暫現所問高四臺者其本迦葉佛於此第三會說法度人至穆王時文殊目連來化穆王從之卽列子所謂化人者是也化人示穆王云高四臺是迦葉佛說法處因造三會道場至秦穆公時扶風獲一石佛穆公不識棄馬坊中穢汙此像護像神瞋令公染疾公又夢遊上帝極被責疏覺問侍臣由余便答云臣聞周穆王時有化人來此土云是佛神穆王信之於終南山造中天臺高千餘尺基址見在又於倉頡臺造神廟名三會道場公今所患殆非佛爲之耶公聞大怖語由余曰吾近獲一石人衣冠非今所製棄之馬坊得非此是佛神耶由余聞往視之對曰此真佛神也公取像澡浴安清淨處像遂放光公又怖謂神瞋也宰三牲以祭之諸善神等擊棄遠處公又大怖以問由余答曰臣聞佛清淨不進酒肉愛重

物命如護一子所有供養燒香而已所可祭祀餅果之屬公大悅欲造佛像絕於工人又問由余答曰昔穆王造寺之側應有工匠遂於高四臺南村內得一老人姓王名安年百八十自云曾於三會道場見人造之臣今年老無力能作所住村北有兄弟四人曾於道場內爲諸匠執作請追共造依言作之成一銅像相好圓備公悅大賞賚之彼人得財並造功德於土臺上造重閣高三百尺時人號之高四臺或曰高四樓其人姓高大者名四或曰兄弟四人同立故也

說略

卷之十一

十五

或取大兄名以目之故有高四之名至今稱也然則秦穆公時佛法已入中國矣宣師不應誕也

釋道宣常著釋迦方域志二卷唐藝文志載其目按其所爲志者蓋漢之初世烏孫大月氏本在燉煌祈連間匈奴冒頓攻大月氏大月氏西走破塞王奪其居地而塞王南居罽賓塞種分散自疏勒以西休屠捐毒之屬皆故塞種顏師古曰塞今釋種也塞釋聲相近大月氏旣居故塞王地烏孫昆莫又擊破之而大月氏西徙大夏故烏孫民有塞種大月氏種休屠

捐毒國絕小依葱嶺而居民俗衣服又多類烏孫張  
騫云在大夏時賈人往市身毒得叩竹杖蜀布身毒  
居大夏東南有蜀物度去蜀不遠上乃今自蜀發間  
使四道並出指求身毒率爲西南夷所閉不得通李  
奇曰身毒一名天篤卽今浮屠胡也按此身毒塞種  
之捐毒也捐毒治衍敦谷西北至大宛九百二十里  
西至大夏千有六百一十里故大夏賈人云在其東  
南虛稱里數至於百千欲以誇漢使爲遠實一國也  
漢西域傳止載捐毒而張騫傳乃引身毒要之烏孫  
說略

所治赤谷本塞王故國東去長安八千九百里而近  
漢擊匈奴收休屠王祭天金人金人蓋今佛氏遺像  
休屠王漢張掖郡地將近故塞國也而身毒及東漢  
又稱天竺摩騰王法蘭之徒始持白氎之像及所譯  
四十二章到洛楚王英乃首盛齋戒之祀范曄曰佛  
道神化興自身毒二漢方志莫有稱者然則身毒本  
葱嶺間小國後漸大或爲他國所併仍冒舊國之號  
葱嶺以西乃爲塞種葱嶺以東多是雜胡亦不待辯  
而可知者也及唐之盛天竺有五方制萬里號爲大



國東天竺乃與雪山吐蕃分界北天竺直接突厥塞王所居屬賓隋唐之間別曰漕或曰矩吒且在西天竺之列東南海外扶南林邑又南天竺之鄰境也今方域志殊不詳始本塞種獨稱中印度印度天竺之梵言猶捐毒也

般若經如來三十二相足下有平滿相猶如奩底地雖高下隨足所蹈坦然等觸第一足下千輻輪文鞞穀衆相無不圓滿第二手足竝皆柔軟如兜羅綿第三兩足一一指間猶如雁王鞞網交絡文同綺畫第

說略

卷之十八

十七

四手足諸指圓滿纖長可愛第五足跟廣長圓滿與趺相稱第六足趺脩高光滿與跟相稱第七雙膺漸次纖圓如鹿王膺第八雙臂平立摩膝如象王鼻第九陰相勢鋒藏密猶龍馬第十毛孔各一毛生紺青宛轉第十一髮毛端皆上靡右旋宛轉第十二身皮細薄滑潤垢水不住第十三身皮金色晃耀諸寶莊嚴第十四兩足兩掌中頸雙肩七處充滿第十五肩項圓滿殊妙第十六膊腋悉皆充實第十七容儀洪滿端直第十八身相修廣端嚴第十九體相量等圓

滿如諾瞿陀第二十領臆并身上半威容廣大如師  
子王第二十一常光面各一尋二十二齒相四十齊  
平淨密根深白逾珂雪二十三四牙鮮白鋒利二十  
四常得味中上味二十五舌相薄淨廣長能覆面輪  
至耳髮際二十六梵音詞韻和雅隨衆多少無不等  
分二十七眼睫猶若牛王紺青齊整二十八眼睛紺  
青鮮白紅環間節皎潔分明二十九面輪猶滿月眉  
相皎潔如天帝弓第三十眉間有白毫相柔軟如絲  
白逾珂雪三十一頂上烏瑟膩沙高顯隆員猶如天  
說略

蓋三十二

因果經云二月八日佛誕生摩騰云周昭王二十四  
年甲寅之歲四月八日生周書異記同唐費長房則  
曰周莊王十年四月八日生什法師石柱銘同趙伯  
休記云周貞定王二年甲戌至法顯則云殷世武乙  
二十六年甲午鷲嶺聖賢錄則說佛生時有八別一  
夏渠時二武乙時三周昭王時四穆王時五平王時  
六桓王時七七莊王時八貞定王時又云周正四月  
非今四月也然則今之定以爲昭王甲寅四月者亦

未可確據也

禪宗派自南梁蕭代達磨西來面壁少林十有九年是爲初祖一傳而爲慧可再傳而爲僧璨三傳而爲道信四傳而爲弘忍五傳而爲慧能是爲六祖當時有南能北秀之稱北爲漸宗南爲頓宗五祖之教遂分而爲兩而曹溪法席獨盛於世四祖之旁出者爲法融五祖之旁出者爲神秀六祖之旁出者爲慧忠爲宗密其六祖之法嗣則爲青原行思青原之後旁分三宗曰曹洞曰雲門曰法眼其在青原一世爲石

說略

卷之一

一九

頭遷嗣石頭者爲大顛爲道悟爲天然爲尸利爲惟儼爲曠嗣曠者爲石室善道是爲青原三世嗣道悟者爲石霜慶諸嗣石霜者爲九峰道虔嗣龍潭信者爲宣鑒是爲青原四世嗣鑒者爲雪峰義存嗣存者爲玄沙宗一嗣夾山會是爲青原五世嗣巖頭者爲瑞巖師彥是爲青原六世嗣雪峰存者爲太原孚是爲青原七世其在曹洞宗則洞山良价嗣雲巖幾者亦爲青原四世嗣洞山者爲曹山本寂爲雲居道膺爲疎山匡仁爲龍牙居遁嗣寶峰照者爲圓通德止

是爲青原十三世其在雲門宗則雲門文偃嗣雪峰  
存者亦爲青原六世嗣雲門者爲香林澄遠爲雙峰  
欽其法眼宗則清涼文益嗣羅漢琛亦爲青原八世  
嗣清涼者爲靈隱清聳爲百丈道恒爲永明道潛爲  
玄則爲古賢爲天台德韶亦爲青原九世六祖之法  
嗣又爲南嶽懷讓南嶽令後分二宗曰瀉仰曰臨  
濟其在南嶽一世爲江西馬祖道一嗣馬祖者爲大  
梅法常爲西堂知藏爲大珠慧海爲泐潭法會爲石  
鞏惠藏爲中邑洪恩爲與善惟寬爲伏牛自在爲芙

說略

卷之一人

二

蓉大毓爲紫玉道通爲石白和尚爲亮座主爲刑山  
爲水滌爲龐蘊居士爲百丈懷海嗣百丈者爲長慶  
大安嗣長慶者爲靈雲志勤爲大隨法貞其嗣馬祖  
者又爲南禪普願是爲南嶽二世嗣百丈海者爲黃  
蘗希運是爲南嶽三世嗣南嶽者爲千頃楚南爲陳  
尊宿嗣南泉願者爲從諗亦爲南嶽三世嗣從諗者  
爲善信嗣鹽官安爲雙巖玄真亦爲南嶽三世嗣長  
沙岑者爲雪竇常通是爲南嶽四世其在瀉仰宗則  
瀉山靈祐嗣百丈海者亦爲南嶽三世嗣瀉山爲香

嚴智閑爲仰山慧寂其在臨濟宗則臨濟義玄嗣黃  
蘗者亦爲南嶽四世嗣臨濟者爲紙衣爲定上座其  
嗣智海平者爲躡菴繼成是爲南嶽十四世嗣太平  
勲者爲龍牙才嗣大隨靜者爲廓菴師遠嗣昭覺勤  
者爲徑山大慧宗杲是爲南嶽十五世其後爲獅子  
巖高峰智覺爲斷崖和尚高峰之後爲中峰中峰之  
後爲天如而始入國朝矣青原之嗣惟雲門爲盛而  
曹洞次之法眼又次之南嶽之嗣惟臨濟爲盛而滙  
仰次之此其相傳之緒也

叢略

卷之十八

二十一

譯經圖記載明帝永平三年庚申帝感異夢勅郎中  
蔡愔中郎將秦景博士王遵等十八人西尋佛法至  
印度國請迦葉摩騰竺法蘭用白馬馱經像以十年  
丁卯至洛陽帝悅造白馬寺譯四十二章經十四年  
正月一日五嶽道士褚善信等不悅朝正之次表請  
較試勅遣尚書令宋庠引入長樂宮詔以十五日集  
白馬寺南門信等以靈寶諸經置道東壇上帝以經  
像舍利置道西七寶行殿上信等遠壇泣懇天尊以  
栴檀香燒經冀經無損並爲煨燼其諸昇天入火履

水隱形諸術皆不復能善禁咒者亦呼策不應太傅張衍語信曰所試無驗卽是虛妄宜就西域眞法時南嶽道士費叔方慙忸自感而死時佛舍利光明五色直上空中旋環如蓋徧覆大衆映蔽日輪摩騰先是阿羅漢卽以神足游空飛行坐臥神化自在時天兩寶華及奏衆樂摩騰復坐法蘭說世後宮陰夫人王婕妤等百九十人司空陽城侯劉善峻等二百六十人四嶽道士呂慧通等六百二十人京都張子尚等三百九十一人俱出家記又引吳書闕澤對吳主

說略

卷之一八

三二

云楮善信費叔方自感而死爲證今攷之漢史明帝自元年太傅鄧禹薨後絕不置太傅官三公中亦無所謂張衍者十四年衛尉趙憙行太尉司空爲牟融亦不聞有所謂劉善峻也且道教符籙之興起於張陵盛於寇謙之而極於杜光庭當時何以有禁呪等事且此旣云永平十四年以靈寶諸經鬪法而廣弘明集云靈寶創自張陵赤鳥始出上清肇自葛玄三洞造於鮑靚又自相矛盾矣

祖有兩龍樹西土龍樹少年時博綜藝術與同志三

人學隱身術入王宮數月美人懷妊者衆王用智臣  
以細土置門中見四人足跡乃令勇士揮劍空中斬  
三人首近王七尺刀所不至龍樹斂身依王得免悔  
而入山成道後化南天竺王問諸天何所作爲答曰  
天今與阿修羅戰須臾空中刀劍及修羅刀鼻相繼  
下至乃驚服又與善呪婆羅門化大池蓮華坐其上  
龍樹化白象入池鼻舉蓮花高擲婆羅門傷背而伏  
蓋道家葛仙公左元放之流也

龍樹尊者見入

楞伽經善逝涅槃後未來世當

出天竺比丘厥

竟

龍樹得初歡喜地往生安養國

龍樹作大無畏

而東土所稱無畏論主又不載此身此龍樹也



